

PLOANIES SAN MARTIN Y LUNGIARÜ

Le KfV (Katholischer Familienverband) San Martin de Tor y la Uniun dles Ēres da Lungiarü inviëia dër bel pici y gragn al Tru dles Staziuns en vëndres, ai 11 d'aurí. I s'incuntun dales 16.30 sön plaza de dlíja a Lungiarü por jí deboriada por le Tru dles Staziuns sö dala capela da Seres de Sant Ojöp da Oies a na picia meditaziun. Dedò vëgnel ofrí val' da bëre y da mangé. Düc/Dötes é bel invia da gni a tó pert.

Invit al'ora d'oraziun en vëndres, ai 11 d'aurí, dales 20.00, tla stüa dla ciasa de nosc Sant a Oies. Düc é dër bel invia da gni a tó pert.

SAN MARTIN

Les mitans y i mituns é dër bel invia en Domënia dl Orí da gni a tó pert ala prozesciun d'ingres te dlíja cun les granares d'orí.

Al vëgn ince partí fora rames d'orí por chi che n'un n'á nia.

Al vëgn dër bel invia ala Funziun penitenziala en vëndres, ai 11 d'aurí, che é ince na buna preparaziun por jí a se confessé .

LUNGIARÜ

Le Comité dl KVV Lungiarü rengraziëia dötes/düc chi che á contribui al garaté dl'aziun "I daidun cun na Buna Jopa" a sostëgn dla misciun de suor Paola Glira. Dötes les ofertes adöm amunta a 2000 € che ti é bele gnüs mená. Dër bel dilan.

Cina incö domënia, 6 d'aurí, prenotaziun pro Rosmarie Crazzolara tel 339 71 64 521 o pro Christian Clara tel 389 29 00 000 por la "Sternwallfahrt" da Longega a Balsan ala mëssa cun le Vësko tl dom - *ciarede plü avisa tla plata nr. 17*.

Por en dedemesaledema, ai 09 d'aurí, dales 18.00, inviëia le Museum Ladin al referat "Mudamënt dl clima söl monn – y te Südtirol. Ci podunse pa (ciamó) fá?" de Marc Zebisch tl Museum Ladin Ciastel de Tor. Marc Zebisch é le responsabl dl "Zënter por mudamënt dl clima y trasformaziun" dl Eurac. Le referat é por todësch.

Por en dedemesaledema, ai 9 d'aurí, dales 20.30, inviëia le Fotoclub Val Badia ala Multivisionsshow "Tierfotografie - meine Passion"dl fotograf Josef Bachmann tl salf dl Istitut Ladin a San Martin.

Por en vëndres, ai 11 d'aurí, inviëia le Museum Ladin a n labore creatif, olach'i fajun deboriada granares dl orí dales 15.00 ales 16.30 por mitans y mituns dla scolina acompagná, y dales 16.30 ales 18.00 por mitans y mituns dla scora elementara acompagná. I periun do na prenotaziun a prenotaziuns@musemladin.it o 04740524020, le cost de partezipaziun é de 5 euro.

Por en vëndres, ai 11 d'aurí, dales 14.00, inviëia la Uniun di Seniors da San Martin/ Antermëia y la Ciasa de Palsa al batadú tla Ciasa de Palsa a San Martin. Scriesse ite cun osc compagn o osta compagna cina en jöbia, ai 10 d'aurí, por telefon 0474 524700. Le cost da tó pert é de 20 euro porom. Le batadú é davert a düc y al ves aspeta de bi pesc. Gnide tröcl!

Por en vëndres, 11 d'aurí, dales 14.00-18.00 invit al curs de Ultim Aiüt a porones tl morí a Al Plan tl salf dla Cassa Raiffeisen - *ciarede plü avisa tla plata nr. 17*



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net
redaziun: anton.gasser@rolmail.net - 348 27 44 517 / 0474 523194

06.04. - 13.04.25 n. 19

termo por comunicaziuns: jöbia, dales 20.00

5ª Domënia de Carsëma C

Vangele do san Jan 8,1-11

..... I studiá dla lege y i farisés â condüt na ëra dan da Gejú y â dit: Maester, chësta ëra é gnüda abinada söl fat ch'ara rompî le matrimone. Mosè nes â scrit dant tla lege che de te' ëres é da spedrè. Sëgn, ci nen dijeste pa tö? Gejú ti â respognü: Chël de os che é zënza picé dess por pröm sciurè na pera cuntra d'ëra.

Al s'â indô cufé jö y scriô inant ia por tera.

Do ch'ai â albü aldí süa risposta, s'un ési jüs un indolater, danfora i plü vedli. Gejú é romagnü indô su cun l'ëra che ê ciamò dailò amez. Al é lovè sö y ti à dit a d'ëra: Èra, olâ ési pa? Ne t'â condanè degügn? Ara à respognü: Degügn, Signur. Dailò ti à dit Gejú: Gnanca iö ne te condanëi.

Va, y da sëgn inant no plü fà picé!



Do la lege ess chë ëra messü gni spedrada. Mo Gejú reagësc atramënter: Al inviëia i acusadus da ti trá la pröma pera, sc'ai é instësc zënza picé. Dailò s'un vái un indolater.

Gejú ne condanëia nia chë ëra mo ti scinca n scomenciamënt nü.

"Vá, y da sëgn inant no plü fà picé! Chëstes parores é n invit a nos düc:

Nos düc fajun piciá, mo Gejú ne se condanëia nia,

al nes vëgn adincuntra cun amur y pordonn.

Nes lasciunse jí a cör la misericordia de Dî?

Co se comportunse pa nos cun i fai di atri?

Sunse arjgná da lascé tomé les peres de condana

y, impede iudiché, da ti dé lerch al pordonn y a n scomenciamënt nü? P.C.

EDEMA - C	SAN MARTIN	LUNGIARÜ	D'ATRES INFORMAZIUNS
06.04.25 5^a Domënia de Carsëma C	9.30 Corona por vocaziuns 10.00 Gran Mëssa por la comunité + Pire Ploner, dl ann <i>(don Marco)</i> + + + + Rosalia, Alfred, fr. Martin, fr. Felix Ploner + Giovanni Unterweger + Maria Graffonara, dl ann	7.50 Les Staziuns ciantades dal Cor 8.15 Gran Mëssa por la comunité de rengr. fam. Pio Mischi <i>(don Marco)</i> de rengr. fam. Martin Clara + Davide Dapoz + Paul Pezzei	La Uniun Ères Lungiarü mët a jì por dotes les interes-sades y düc i interessà: - N curs de LNB Motion - ginastica posturala cun Marisa Clara dai 23 d'aurí ai 18 de jügn dales 18.30 - 19.30 por 8 iadi dagnora le mercui tla palestra da Lungiarü. Le cost é de 85 € porom. Por infos y iscriziuns contatede Marisa 340 27 56 166. - N curs de Yoga cun Giulia Moling por indöt 8 incun-tades ai 15/4, 28/4, 06/05, 13/5, 20/5, 27/5, 3/6 y 10/6 dales 19.30 ales 21.00 tla palestra da Lungiarü. Le cost é de 120 euro porom. Por infos y iscriziuns contatede Giulia 347 58 60 697. La Ciasa de Palsa mët a jì concursc publics por ejams y por mobilité danter ènc por deplù posc de rode sciöche operadú/ëssa soziosanitar/a (IV cualifica funziunala), sciöche operadú/ëssasozioassisten-zial/a (V cualifica funziunala) y sciöche infermier/a profescional/a (VII ter cualifica funziunala). Info avisa sön www.ciasadepalsa.it o tel. 0474/524786. Le Museum Ladin de Tor chir n/a colauradú/ëssa pro cassa y botëga a tēmp parzial cun 16 ores al'edema cun contrat a tēmp determiné da aurí ai 30.11.2025. Ghiranzes: Atestat dla scora d'oblianza, manira da lauré fidabla, avisa y autonoma, conescënza di lingac patent B. Presentaziun dla domanda cina ai 10 d'aurí a info@museumladin.it -----  Oraziun do l'intenziun dl Papa por le mëis d'aurí I periun che les technologies nöies ne vëgnes nia adorades por sostituì les relaziuns umanes y la conferta personala danter les porsones, ch'ares respetëies la dignité de vignun y dëides da afronté les crises de nosc tēmp.
07.04.25 Lönesc <i>Jan de la Salle, Albert</i>			
08.04.25 Dedolönesc <i>Walter, Beata</i>	8.00 Mëssa + Carlo Dejacó por les Animes dl purgatore		
09.04.25 Dedemesaledema <i>Waltraud, Dietrich Bonhoeffer</i>	18.00 Les Staziuns	7.30 Confesciuns 8.00 Mëssa + + Teresa y Vittoria Clara por i parënc defunc de na familia	
10.04.25 Jöbia <i>Engelbert, Claudio</i>			
11.04.25 Vëndres <i>Gemma Galgani, Stanislau</i>	19.00 Funziun penitenziala	16.30 Les Staziuns cun scholars y families	
12.04.25 Sabeda <i>Zeno, Herta</i>	18.00-18.30 Confesciuns 18.30 Mëssa prefestia de rengraziamënt families Albert Moling vis y def. familia de Elmar Clara		
13.04.25 DOMËNIA DL ORÍ - C	10.00 Benedisciun dl orí dan calonia y ingres te dlijia <i>(pater Franz)</i> Gran Mëssa por la comunité por families de Giovanni y Erna Chizzali + suor Dolores Erlacher y + siur Vito Rubatscher	8.00 Benedisciun dl orí dan scora y ingres te dlijia <i>(pater Franz)</i> Gran Mëssa por la comunité por la familia de Albina Mischi, Pecëi + + dla fam. Albina Mischi, Pecëi + + Eusebio y Angela Nagler + + dla familia de Pio Sorà	